

大清光緒廿一年

本館新聞除禮拜外日出一張諸君賜閱本報者無論本埠外埠均可函致本館取閱如外埠閱報照加寄費可也除日報照常刊送外復不惜工本從英國採辦釘書裁紙各機器以待與各官商刊印書籍單件並有英國各體活字及各式花邊等延有西人排印工藝甚精所有中西文字均能刊印並有石版印字大小機器均用精工刊

第四千零五十八號

申報

(本館開在舊巴口門牌第十一號)

印工級絕倫並延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人而後始錄其有謬誤成文以及支離費解者概不登報嗣後諸翁來札尚祈自諒更須寫實附里兩後敢將原稿收回也本館謹白

乙未四月廿六日

英大一千八百九十五年五月二十二號(一拜) 每字一仙 每行一仙 每張一仙 每季三元 每半年六元 每年十二元 凡告白者請向本館接洽

添募採訪 ○啟者本館欲再添募採訪人一名其人須熟悉地情形且結交廣而聲氣通兼諸各地方官商紳學勤謹公平者方能合用 諸君有欲承斯之者請至本館面商可也 本館謹啟

中日高明細地圖發售 ○啟者本館新由上海寄到中日高三國地理全圖二款均屬精繪異常所有道里之遠近經緯之錯綜以及府廳州縣城市山林一一列明此外如鐵路電線河道長城前國界省界等莫不羅列井然燦若列眉令人一覽而知無煩細索且經設色令人易於辨別誠有心時務者不能不備之物惟此地圖寄來有限 諸君有欲購置者祈速 惠臨選購沾為盼 本館謹啟

新印電報冊發兌 ○啟者本館新印電報冊乃精心結構而成更復細心核對誠屬無訛是以印成之後即已四處風行莫不喜購爭先未幾即經售罄而來問者仍復源源不絕茲本館更不惜工費將此電冊重加編定所有號碼眉目尤為清楚可謂尋髮之間亦無遺憾洵稱全美現此電冊早已告成惟所印無多欲購者尚祈從速 惠臨為盼特此佈告 本館謹啟

論俄日齟齬

觀近日本報所紀俄羅斯日本交涉情形而竊慮東方大局有岌岌乎不可終日之勢也夫列國之勢譬若連雞靜則俱靜動則俱動東方之國中為大區區日本僅及十分之一使中日兩國聯轡車之誼免唇齒之寒休戚相關患難相卹各禦外侮永保邊陲雖使東方數百年無兵禍可也特無如風氣愈開而愈新人心愈變而愈詐機械愈出而愈奇變故愈多而愈幻遂以至小至瘡之日本亦龐然大有蔑視上國之心恃其步武西法稍有一知半解竟敢公然發難奪我城郭屠我生靈蕩搖我邊疆劫掠我財產甚至乘危脅制俄以要盟償費之外加以割地在日人之自視豈不自以為雄長東方可以暢所欲為而豈知既耽窺視於旁代抱不平乘隙而起仗義執言乃有同處東方之俄羅斯也俄羅斯橫跨三洲幅員最廣歷代之君皆以拓土開疆為事初欲逼處於西方而為歐洲諸大國所扼不得越雷池一步則惟有舍西而就東頻年以來經營西卑利亞鐵路不遺餘力其所以遲遲有以待以備緊向未竣工耳當此欲發未發之時而適有日本之妄動干戈此正俄人大有為之秋所欲乘機疾赴而未肯遲延觀望致失事機也俄之出師既以揚中抑日助順討逆為名所謂堂堂之陣正正之旗以此號召遠近孰不望風響應況又有歐洲雄國如德法者與之聯為一氣捲甲長驅聲罪致討先聲所播足以奪人以完善之日本當之向不能敵萬一而況與中國開戰半載有餘長將勁兵死亡殆盡其倖而存者銳氣消磨不足以資禦侮國中財物早已搜括一空雖巧媳亦不能為無米之炊慮親離眾叛之時瓦解土崩之日而復臨以勁敵疆圍何由而保時局何由而定西人之論事者嘗謂日本自維新以後步武西法惟日孜孜此次與中國戰居然而寸進寸得尺進尺此如幼童之在塾攻書於背誦時句何著管俸免錯謬然猶未可自信必待誦至終篇一字無訛方可謂善於誦讀否則夏楚隨之矣今以日本之事觀之自牙山平壤次第被踞遼瀋鴨綠江而北壘佔金復海蓋諸城甚至旅順威海天然險要而亦為彼所得可謂背誦如流毫無歧舛矣及派內閣總理伊藤與中國議和全權大臣李傅相共議和局不特兩國臣民皆注意於此即他人之俸壁上觀者亦爭窺窺其究竟以定時局之安危及觀其立和約日本着着佔先中國事事吃虧無論統兵大帥臺諫名公亦爭窺窺其究竟以定時局之安危國之從旁遊聽者亦無不以割地為口實蓋過於日本此則則俄國駐日欽使行文日本不准割地日本答以此然吾輩謂日人之甘為孩童不肯受師教誨如前報所紀俄國駐日欽使行文日本不准割地日本答以此乃做國事與貴國無干觀此不愈可見日本其殆門牆見棄乎既已見摺匪特自封於學且將不齒於人夫肩教誨而壘積之門牆之外今日之日其殆門牆見棄乎既已見摺匪特自封於學且將不齒於人夫如風馬牛之不相及日人不量力不度德稍有一知半解便龐然自大欲為東方最強之國適中俄人之所忌遂請立約割地為言向日廷問罪以理言則俄直而日曲以力言則俄強而日弱况又有德法二國與俄協力同心則他人之袖手旁觀者亦不敢強為干預自此以後無論日本不能備割地之願即約中所載凡

外皆所不圖而文學侍從之臣則以掉弄文墨欺人爲事如東洋來電云日主已表明意欲接李中堂之意惟中國若用巧妙會語似備日本求和於中國也者則心殊不願既而接駐華美國田大臣西文之電甚屬合宜及轉譯漢文畧有歧異幸無開出入蓋將爲載入國史計也觀此則翰苑名公之專以文章爲國者伎倆窮矣嗟乎文武兩途不能爲國禦侮令大局敗壞一至於此而後使至尊獨憂社稷者非文武兩途絕無人才之慮也思在惟知以八股詩字弓刀石取人材之途太隘耳語有之曰琴瑟不調則取而更張之當今時勢如欲遵守祖宗成法試問能閉關自守不與通商乎若猶未也勿謂變法以強自強能自強者則地不足憂賠費不足慮今日所失者友知異日不復取於人特一轉移間耳勾踐之治吳也不在甲楯五千保於會稽之口而在臥薪嘗膽于生聚十年教訓十年之始匹夫見辱拔劍而起非天下之大勇也

抑制華人 ○昨接河內來信云該處眾法商擬聯一會係欲與華人爲難其大意則欲請於國家增收華人身稅不准諸人入其內地游行倘欲引遊則須呈請國家發給護照始能前往然欲給護照則須先由國家嚴加查察並無絲毫之弊始准放行云云其大意如斯所以聖別華人者至矣獨不解我華商旅成紛紛以趨其地豈以此遂無營生之所也耶噫

工於計利 ○昨接神戶來信云近有美國之人二名至於其地此三人係欲前往中華與富道商辦借款以償日本者聞其所取之利廉薄異常惟須與中朝議定倘日後與榮火車路之役務須歸其承辦云云西人計利之工於斯可見

呂宋大火 ○昨接小呂宋來信云該處所居之打打地方於本月十二日忽有大火爲災所焚屋宇計至二千間所有教堂尼塔及差館等均無片瓦之全幾於闔埠歸於一墟所餘尙未被災之店不過僅四百七十五間而已非常浩劫一至於此洵屬罕見之災至其起火情形則猶未悉

停工再誌 ○五月朔日即英五月二十四號爲英皇千秋令諭本坡各衙署均停工一日各節錄前報茲悉是日所有銀行洋行等亦均暫停一日以誌肅敬而二十一號及二十三號即華二十七二十九日則停工緣是日適值春賽之期故也

首耗暫收 ○勿里洞輪船被災一事本報迭經登錄迨至昨日其消息竟覺寂然關懷船內諸人不無耿耿然或者諸人等乘坐三板北向漂流幸遇輪船拯之載往他埠暫爲安置然此亦無聊之極思已

國家銀票近聞 ○前者本坡國家會經會議欲由官自出銀票俾得以便商途此等銀紙若以之償稅項繳罰款等類各官署均准一律照收而有此銀紙欲換銀元者可至叻嶼申庫務司署找換惟實得力以外各處則不得強其稅務司照換銀元至於歸英保護諸膠拉油地若何辦法則猶未聲明現本坡商務局諸人已定於廿六日集眾公議此事否於商途有益云

塔客慘數 ○漳州輪船於廿三早由廈門汕頭到叻即經官醫到船查驗軍已准令其入口因查船中所載廈門搭客男子共四百三十五名婦女共三十六口小孩三十二口其汕頭之客則男子計一百九十三名婦女十六口小孩廿四口以上各客僑來曉曉者至其往嶼之客則廈門汕頭抵輪船中搭客男子共九百六十七名婦女三十口小孩十八口云

京師要信 ○頃接本月初七日北京來信云當 皇上尙未批准和約之時所有附和恭邸及李傅相之數大員均請 皇上俯允此約其俄日兩國交涉之事件彼自行料理而俄國則照會總署阻止批約一節目下北省之人亦因日人要挾太甚大有相於中國故俄人意見相同者竟居十分之九云

被擄續聞 ○越南東京有法人眷屬被賊所擄錄前報茲聞被擄者係基保煤礦公司之總理劉的及其妻某氏女三人劉的原居於味華律半邊日闖有賊匪出沒附近地方已預行機防僱募勇丁於夜間駐防並派一勇在居屋騎樓瞭望以規賊踪三月三十晚又有賊匪軍裝渡船一艘小輪船一艘由廣原法官派至味華律駐泊劉的屋前以資防守味華律海灣原日泊有炮輪一艘是夕炮輪隨往其保時適天色黑暗追十餘半鐘有三板兩艘賊約四十名皆持上好手鎗由譚夏而來乘昏黑之際潛入灣內瞭望之勇知覺則賊已登岸上直入劉的之屋頃刻間擄其闔家眷屬落艇而去勇即報復而轉瞬已不知賊艇去向迨至各勇及兵船中人雲集救援而賊已遠颺無踪想必勒索巨資方能釋還也

劣紳可惡 ○近有嘉應州人由其鄉至於叻地者據言去月初六日該州與甯縣屬忽傳土匪竊發市虎杯蛇猜疑互起幾同八公山上草木皆兵鄉居者挈眷進城城居者又遷徙回鄉紛紛擾擾數日未定邑宰葛署府遣人偵探並無確耗而謠言紛起一日數驚甯府即督同局紳招募民壯編列營伍登陣守禦並諭各紳倡辦團練以匡官軍之不逮迨至二十六日謠言始息潮查謠言之起始知邑有某紳貪劣無恥欲倡辦團練抽收費用藉以侵漁中飽而恐鄉眾不允故捏造此謠煽惑人心藉口辦團邑宰既知其鬼蜮伎倆即傳見詰駁該紳俯首無詞似此婪劣之人即律以造謠惑眾之條嚴加懲辦亦豈足蔽厥辜哉

臺亂已平 ○臺北兵民滋鬧一事前已詳紀茲又接淡水來信昨聞臺北有無數游勇勾結匪徒于三月二十八日突然鬧事擾縣中

象頭標蜜酒出售

寓實叻苑生肥風街


CHEW YIT HONG.

福建周一方精醫

保驗痲瘋藥出賣
仙傳醫治痲瘋
破爛痲瘋包七日乾瘡
眼目科包醫
喉科急症藥
過洽落風痞風
法治邪怪病
甜酸尿及下消
痢疾泄瀉丸奉送
風水師監洲

大清光緒二十年
八月二十日 已

鐵櫃出售



已久其家 諸君用無不稱其
妙計此廚之大小共有五種而價
最廉者此一百磅以上而此鐵櫃乃
歐洲著名工師所製極為美善本樓
所有人西醫皆人以此為衛生理
諸君取多向本行購買
用因本行所沽者均用頂上物料製
成其櫃不惟能阻賊偷且其櫃堅
固論火燒燒均保無虞
此廚其甚美諸君有欲購此
收貨重寶可至本行選閱是幸
一千八百九十年元月四號
不殺呼聲公司謹啟

啟者本公司由暹羅督辦多戶酒由非那寧酒來而專為
實得力備仕商所用此酒氣味香醇且能除煩解渴於實
德力士地最屬相宜混合諸君一用特將其標式列
報中俾諸君一覽而知按式購取倘蒙 光顧請至舊巴



星街萬興號右鄰本公司公細認象首標為記庶不致誤價
極平特此佈 聞
大英一千八百九十三年元月廿一號

新嘉坡鐵買公司謹啟

正合總標萬國池酒出售



啟者本公司所督辦正合總標萬國池酒久已馳名曉聽藉藉
君子均喜用之現已定與本埠酒公司包銷以應零沽凡 諸君
有欲購者請至酒公司沽買便得如買成起以便配往外埠者仍
可至本行沽買至此酒

上所有各標如無本行不殺呼聲印字者即係假貨幸勿為人所誤
本行有厚望焉

大英一千八百八十九年十二月三號

不殺呼聲印字者即係假貨幸勿為人所誤

造製之法
精妙異常
其味甚醇
以之蒸餾
者皆為上
等之料保
無偽丸之
弊此酒若
宜買價亦
為公道須
為留心辨
明以免誤
在星洲 假買者甚多
本行有厚望焉
不殺呼聲印字者即係假貨幸勿為人所誤

里嗎與深取造辦木料旋於三月十六日由該處啟程回叻查該處距程途平嘗中舡往來若遇順風祇十餘日即能抵埠即最久亦不過二旬左右詎離船自放洋後漂泊海中竟閱三十八天直至本月廿三日始能到叻船中之眾經已死去二人因據船夥等稱該船除陳之外并有唐影七人當日啟程出行不數天從適值風帆不順因在海天巨浸中漂流數十日船中糧食俱盡即淡水亦無涓滴舉船惶懼而茫茫四顧并無島嶼難以泊船求食緣是之故船主陳本及一夥名楊湖者均已因飢斃命其餘六人性命亦僅界於呼吸幾至同歸於盡幸該船漂至寧屬馬鞍山海嶼諸人至始能登岸向其土人探取藪藪等物暫以充飢至是始復整理風帆以回叻地云云噫觀其所言則行船之苦可知瞻望重洋島勝惴惴

妄心不死 ○數月前本報曾誌有老僧思妻之案言有閩人挑水老傭許老報因嘗挑水至苑生巴風翰吳氏家中見其女已及笄竟動老傭時饒以鮮菓等物嗣竟稱吳氏已將女許配與己為妻四播流言且復時加撓逼氏不堪其擾訟諸公堂已由府尊訊明罰許洋銀三元示儆矣詎許雖被罰妄心不死仍日向吳氏家中攪擾氏初猶忍隱編以被逼太甚實不能堪乃再鳴捕將許執送公堂二十三日府尊聽訊許猶極口呼冤并言吳氏母女曾受伊銀兩及鮮菓甚多豈得中途背約云云太守訊畢見其癡而且妄笑怒交併因判罰許銀十元無銀監禁十日

種銀喪命 ○種銀之說本屬無稽愚蠢之貪夫無知之婦女往往為其所惑致墮術中利令智昏可憐可笑顧此術盛行於卅年前近則少見蓋因互相傳播各有戒心也乃有羊城某氏婦仍以貪財至喪厥命誠哉愚不可及矣某氏婦家於粵垣五仙門內九曲巷去月廿浣聞有在門前賣卦者出而視之則見一道士長袍闊袖手搖卦筒自稱靈驗如神婦呼入問卦室無他人道士即用言語惑誘以種金之術婦為所動先以銀一員試之道士即貯於瓦罐之內喃喃作咒畢然後置於土神座側跪而祝之戒婦曰勿亂動俟明日我來作法汝乃靈驗看汝財氣若何也詎領之翌早道士果至前依設法婦嚴謹探視有銀三元道士不豫曰以汝命運爾僅得加二之數哉當再試之贈將銀復置罐內蓋以符籙仍約明日再來至期則探得銀九元道士曰數之所在不能相強雖然以一得二亦爾便宜倘投以多金亦可積漸至富又何憚耶婦喜四處振播得黃白物共值銀百餘兩授道士試種道士又如前法貯罐約期而行詎閱日而道士不至再閱數日仍不至歸疑其再儲微搖之覺其太輕揭符取視則黃白物俱作羽化惟存腐鐵數具而已婦咤曰此豈騙金成鐵手段哉何慘實瑩瑩白者變而為黑無光也驚定默揣知為所愚不禁長嘯騰騰右走問婦具告所苦繼思此項得來非易今一旦成空從何彌補由是苦楮成病旬日身亡其夫譚某向在番禺縣署帶差圖公外出婦死向未知也族人代為殯殮停棺於室之初三日道士復從婦門經過隣右疑其即是騙匪轉知族人姑喝問之道士變色急走乃靈起追至小市街始被壯勇截獲解往保甲局不受送縣縣亦不受蓋以其所控無據且無稟章也而鄰族尚不肯輕放暫交監獄監禁俟其夫回裁處焉

粵垣雜紀 ○河南尾有乞丐婦魯年腹膨膨然知有六甲在懷既而胸下突高如壘腹雖大雨坦平常覺胸膈間似有物撞之痛極疑為瘰癧而無資延醫遂囑之猶專託鉢沿門自謂倍常辛苦適于夢寐間輒見鬼身初而頭大于斗步步相隨依依不去若有所眷戀者婦駭然泣語人曰性初未能醫而六頭鬼已隨身必將為泉下物矣忽于月前臨盆產一男而胸中壘塊消矣撫嬰視之頭極大頗異之次日頭益見大半月之開身仍嬰兒而頭大過斗啼笑如常別無他異因倍兒為大頭鬼託生也蓋早於于夢中徵之轉來之覺耳于是抱其大頭兒乞食于途觀者必投錢所得足供其口○陳村舊墟各行烟戶舖店於墟大標貼長紅諱擇四月初七初八兩日敬備儀仗彩色預馬奉送 三帥府巡遊新舊兩墟地方以答神麻神人共樂永保平安

雷殛隱婆 ○西人每謂雷殛為偶觸電氣然實有神以司之不然何以悉擇兇惡者而誅之藉以輔王缺之不及特如漢王充論衡雷虛篇所載與今廟宇所塑鷄喙而肉翅手執鑿鑿為怪誕而不足信耳昨接鄂垣來信云汀漳北鄉卜招賢里有張老者夫婦二人年均知命勤謹而樸誠家具中人之產苦無子女然能遠觀待人一以寬厚從事人有向其借貸者無所不應及其歸趙亦不較及鑄鉢隣里俱以長者稱之去秋其妻忽覺腹中有異告之張老張老笑曰三十餘年曾不作醜距至行將就木反有老蚌出明珠之異殆其病耶然飲食如常他無所苦惟腹膨脹日大要亦不以為異也延至數日飛竟生一子人皆奇之以為此真為善之報矣一時賀者盈門張老思治飲食以為延歎床褥下自錢八百礙取之先件客用索之則已不翼而飛矣夫婦私語請無外人意者總婆在此廿日豈順手牽羊取之去乎適總婆從外而至此兒不能三日即作色而呼云此乃爾家絕大喜事不能酬我十貫八貫而反以盜竊誣我我實不廿日即設誓云我盜爾錢我遭雷殛爾若誣我此兒不能三日活也張老夫婦急以好言訓過并請總婆緩頰其紛始解迨後三日洗兒張老特置酒筵請親舊至香湯既具眾皆投錢于盆以應故事詎意總婆抱兒入水惟聞小兒哇然一聲眾急趨視兒已斃於水中矣張老痛哭不已眾乃相與勸慰以為是來索債奈何悲傷張老收淚隨眾以蘆蓆倩婦居之族弟舉而瘞之於野客皆不歡而散是日適大風雨至夕風雨益猛雷聲殷殷不絕於耳張夫婦相對凄然及後雷止兩收忽聞兒啼若在左右始以為因想成痴非真兒啼也靜而再聽似在戶外執火開門視之則果一初生之兒眠於簾下抱入諦視即其新生之子呼弟問其

先時瘡兒與否答曰瘡之始告之故燭燈同往觀之則見有婦殛死于瘡兒之所視之即前繼婆兩瘡兒蘊蒂其內已空蓋婦死兒活皆一喪之所致大錢八百文即擊於婦手一手隨握銅挖耳簪歸而驗兒臍下傷痕尚在於是見者乃各合掌而雷雷公有雷雷公有雷雷公去月二十四日有張老之鄰人性姓至鄂告之於人遂得其詳如此聞者或以說部中恒有此事而疑其為誦然古之所者亦何必不復見于今耶且夫雷之為雷信其無神究不知信其有神之足以做世用特將筆誌之以為眾告并為不信雷者證也

京報選錄 ○頭品頂戴兼署湖廣總督湖北巡撫臣譚鍾麟跪 奏為貴州試用道蔡宗昌刑部候補郎中蔡世昌各領劄軍需銀兩請旨從優給獎以昭激勸恭摺具陳仰祈 聖鑒事竊准戶部議覆兩江總督劉坤一等奏餉需緊要酌量就地籌款一摺內稱江南籌辦防務用款倍增擬請勸諭紳富捐資無論已仕未仕如有捐銀至一萬兩以上者專摺奏請 特恩獎敘用示鼓勵行令各省一體辦理等因奉 旨到鄂即轉飭遵照去後該督署湖北布政使龍錫慶會同漢黃德道福祖翼暨善後局道詳稱據指分貴州試用道蔡宗昌刑部候補郎中蔡世昌該道等原籍湖南華容縣寄居湖北漢陽縣故父蔡元吉由軍功陞保道員平日樂善好施常誠勉子孫處家富篤志濟修出仕務盡忠圖報如遇國家多事必應竭力輸捐該道兄弟情願變產各領銀一萬五千兩共銀三萬兩以助軍需聲明不敢仰邀獎敘等情詳請具奏前來臣伏查該員蔡宗昌等各領劄銀一萬五千兩實屬好義急公雖職稱不敢仰邀獎敘究未便沒其微忱近年各省道府人員凡有領劄捐一萬兩者歷由各督撫臣奏蒙恩准優獎有案今軍需緊迫該員等捐此鉅款有裨時艱更非振相可比且前戶部議准捐銀兩萬兩以上者專摺奏請 特恩獎敘應如何 特恩施獎貴州試用道蔡宗昌刑部候補郎中蔡世昌從優給獎以昭激勸之處仰祈 聖裁除咨部查照外理合恭摺具陳伏乞 皇上聖鑒訓示再湖北巡撫備臣本任毋庸會銜合併陳明 奏奉 硃批蔡宗昌蔡世昌均著戶部核給獎敘欽此

○張煦片 再甘肅按察使裕祥前因感受風寒行至太原省城就醫經臣代 奏請假醫調光緒二十一年正月初四日差弁護回原摺於十二月二十五日欽奉硃批裕祥著賞假一個月欽此當經轉行欽遵在案茲據該臬司稟稱請假後上緊醫治現在氣體雖未十分復元然病證已漸次痊痊應即假於二月初一日起程回甘不敢再事耽延等情呈請代 奏前來臣覆查無異謹附片陳明伏乞 聖鑒 奏

感荷再生 ○者余既貧且老復連患背癱及少腹癱諸大症經閱數年羣醫不效自分必填溝壑幸遇馬交街尾二馬路第一百八十六號門牌 林濟星先生慨然為余醫治不索謝儀未及一月兩惡症悉退全瘳余感先生之恩不殊再造自恨無力不能圖報惟有將其梗概錄登報藉以傳先生之名於不朽云 大清光緒廿一年四月廿六日 潮郡劉涌記謹頌

渣甸火船行 ○啟者茲有渣甸輪船名芝里打刺大有一千五百七拾四墩於西本月十七號即華本月廿三日由加刺打起程定於本月二十號即華本月廿六日即能抵嶼上落客貨畢即展輪往 香港等處 諸君有欲附搭客者請至本行相酌為望 大英一千八百九十五年五月十六號 大清光緒二十一年四月廿二日 莫實德洋行謹啟

輪船往來彭亨 北干 關丹 丁加勞 吉蘭丹 ○啟者本號代理錦卑班池二輪船由彭亨往來彭亨 北干 關丹 丁加勞 吉蘭丹等處 諸君有欲配貨搭客者祈到敝號相商特此佈告 大清光緒二十一年四月廿五日 玻璃後源晉成告白

招人承愛 ○啟者星加坡老爺宮門牌三十三號順壽堂生熟藥材發行生理近因覓利維艱各東志圖別業欲將舖底貨物賬項全盤招人承愛者君如有合意者請移玉步至本堂面商是荷 光緒二十一年四月二十四日 順壽堂謹啟

退股聲明 ○啟者余何人甫曾雲山三姑三人日前同在牛車水丁加勞街創設新形應生理茲余三人均志圖別業已將各股份概行退出頂與義友堂承受日後該應生理盈虧以及一切事宜均與余何人甫曾雲山三姑三人無涉特此聲明免滋後論 光緒二十一年四月二十日 退股人何人甫 曾雲山 三姑同啟

承頂聲明 ○啟者做崇源號與會聯裕即添安公司自壬辰年同創崇源棧皆勝放以及出水在噠生理今會慶裕即添安公司志欲別圖經于四月拾七日請到公親葉榮忠葉騰然陳亞英許道映四位老爺同臨憑公核算將會慶裕即添安公司名下應得股份以及花紅母利銀項即當公親面前交他收領明白毫無短少自此之後生理盈虧等事均不干會慶裕之事如會慶裕有與諸寶號來往交關支取貨物抑是揭借等事概向經手是問均不干做崇源號之事特此聲明免滋後論 光緒乙未年梅月十七日 大英一千八百九十五年冥月拾一號 崇源號謹啟

招頂舖底 ○啟者牛車水大馬路門牌第一百零八號廣祥興店茲欲招人承頂價甚相宜此店內高矮窗闊乾潔涼爽井泉清冽更勝水喉 諸君合意者請移玉步到廣祥興面議是荷特此佈聞 光緒二十一年四月十九日 蔣文瑞謹啟

大英新嘉坡輔政使司瑞 為招人投票事照得本國家現有工役欲招人入票承充為此示仰商民人等一體知悉汝等有欲承充是役者當於西冥月十七號即華本月二十三日以前入票投交本署以憑選擇至其所作之工係一在浮羅吻勝尼築造兵官住房二亦在浮羅吻勝尼築造候補人員之食房及賣酒房之役如欲取其印便之票式及欲知其詳細情形者除禮拜外每日由上午拾點鐘起至下午四點鐘止均可至營造司署向其大才副領取查詢凡投票者其票外必須寫明投充某項工程字樣并須取討印便之票照式填寫方能合用至於棄取之權任由國家裁奪不得執價低者得之說相爭各宜踴躍慎無觀望特示 英一千八百九十五年五月十號 示

訪拿偽冒 ○敬啟者做號所辦源發茶自昔皆在本坡水厝尾門牌六十七號發兌並無分枝別處乃近有無恥之徒每每以低偽劣茶假冒做號發贗到曉私售希圖射利此等所為甚有礙做號源發茶之名目茲特佈告週知嗣後若有假冒做號源發茶之標頭在本坡及外埠私自發兌者一被察覺當必稟官出票拘拿究辦決不姑寬莫謂言之不早也幸各自愛特此佈告 光緒廿一年四月十五日 水厝尾謝佛生謹白

承頂股份 ○啟者林德發蘇酒杯自光緒己丑年六月三十日在望加錫合夥開張泉裕號出水生理並支分安淡文堯老萬鴉老等準泉裕棧計十股向無異議茲因林德發年老思歸願將應得五股抽出故於本年三月廿六日延請 公親湯甲必丹祥聖翁 陳老爺邱翁秉正核算將林德發本利銀項即日交收清楚至其店底家器及外準泉裕棧凡置船屋貨物全盤生理以及與人來往各賬概歸蘇酒杯承受仍以泉裕號交易此後交關支取貨項各惟概手是問生意興隆與退股人林德發無涉合應聲明免後滋論 大清光緒二十一年四月十六日 望加錫泉裕號蘇酒杯謹白

生理聲明 ○啟者余黃金英黃振發曾與黃金炎同造黃亞佛父子公司生理字號坤豐及炎豐公舉黃金炎司理買賣貨物一切事務茲特通知嗣後黃金炎有與外人經營生理訂立合約買賣及與人揭借等事而用黃亞佛父子公司名字及用以上店號之印者余二人概不坐認嗣後并不授權與黃金炎一人獨為買賣合約及一切生理事宜若有以上等事須為二人同為畫號方能準信特此聲明以免後論 光緒廿一年四月初九日 黃金英 黃振發同啟

勸辦賑捐 ○照得本局自奉委出洋勸辦蘇浙賑捐嗣奉委辦順直山東江蘇等捐以來迄今數年所有請獎各案 部照均分別先後隨時頒給換此人解共見共聞隨隨解從不集壓所以各照絡繹而來本委員辦事慎重一秉大公以昭誠信而重賑務當此時事多艱之際籌款更為吃緊而賑捐一項勢難截止本局駐紮南洋以歷有年夙荷各埠 諸大君子信捐捐項亦極踴躍本委員現又奉札委會同公正紳商籌辦各款要需各埠有志願揚之士願不乏人如欲報捐實官指書分發週缺即補各員花樣前虛銜翎枝請封等類均可一律收捐隨時先填實收如有情願樂輸鉅款本局立即電稟 兩江督憲破格 奏給獎叙用特佈告祈各踴躍要需裨益大局幸甚本局向設叻坡邱萬興公司 吳德源號 大清光緒二十一年二月初一日 綜理南洋新嘉坡等處勸辦順直山東江蘇捐輸總委員謝謙啟

廣東朱炳昌

萬應聖靈茶

本號開設丸生聖明蒙遠近馳名近復得一新法始創 有聖靈茶煉煉純無雜入口變苦為淡可常作茶檀 清熱止渴利水消食應驗如神功難盡述有病服之立即 全愈無病服之煥發精神本號不惜重資求盡美善居家 行旅在在相宜誠護身之寶錄也請嘗試之方知其妙 每盒捌塊價銀八分

老舖在佛山鎮黃傘大街 一棧在香港上環大馬路 一棧在省城外普濟橋頂 一棧在省城內城隍廟前

光緒廿一年三月初二日 牛車水大馬路廣安堂謹啟

華啟者茲有人辦到華英字典數部託本館為之代沽此字典內列中英兩國文字精細詳明且每部祇得一本携帶翻典尋均甚便捷 購者有欲究心中英文字者請到本館取閱可也特此佈告 本館謹啟

再啟者前段告白業已刊有多日乃各埠 購者致本館囑寄單紙前住者仍以一紙空函指示並不詳及若更更有致函本館並不黏貼印線是之致至今信債信力益多賠累故特再為補白期者鑒焉 本館再啟

整防路頭 遊說地船 船行 如左 在各埠往賣助日期 在寶順往麻六甲每逢禮拜一五日下午四點鐘開行 由麻六甲往芙蓉每逢禮拜二六日中午十一點鐘開行 由芙蓉往吉隆坡每逢禮拜二六日下午六點鐘開行 由吉隆坡回芙蓉每逢禮拜二六日下午四點鐘開行 由芙蓉往麻六甲每逢禮拜二五日上午十點鐘開行 由麻六甲往寶順每逢禮拜二五日下午十點鐘開行 另有輪船在叻往麻六甲吉隆坡寶順午每逢禮拜五三點鐘開行特此佈告 豐源號謹白


售發酒蜜



啟者本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤蓋聞有無恥之徒假冒本行鎖匙標酒希圖目魚混珠最堪痛恨今本行再行核定於酒樽木枳內加鐵烙鎖行形以示分別倘 看有知何人假冒到請本行報明即酬銀二百大元經官訊定即能給發斷不食言再此酒不能假冒加勝吧 三寶壟 望加錫 檳榔嶼 日里等處均有代售能運往並此佈 聞

大英一千八百九十三年五月廿六號
大清光緒十九年四月十一日

明嗎也洋行謹啟



售出酒池萬標葉蜂上頂國法



啟者本公司親由法國督辦上好萬池酒來叻發售其酒清香濃郁醇厚異於飲之誠可令人長血氣壯筋骨悅顏色妙矣無窮今市上所有萬池酒無有能出其右者誠佐饌中妙品也至此酒係本公司一家沽出餘無別家出售 倘有光顧請細認蜂窠標頭為記並細辨香味方不致誤價甚相宜倘有到份之購者祈早至 惠臨沽買是幸

大英一千八百八十八年六月二十號
大清光緒十四年五月十一日

明嗎也公司謹啟

賣發酒密烏



啟者本行向由英國督辦名種美酒來叻發售其酒馳名茲復由英新辦到烏士斗雲字號之狗頭標烏密酒到叻應以此酒香與眾不雜飲之可口且能保養精神調和血氣實飲令人不生疾病誠酒中上品也 諸君光顧應細看以上標頭之狗頭標世不致誤且其價甚相宜 諸君不致誤也 倘有到本行取用可也 此佈

大英一千八百八十八年八月十五號

明嗎也洋行謹啟

售出品三




啟者本行督辦歐洲馳名三品洋酒來叻發售其酒係白頭以式發售有年沽飲諸君莫不稱其香與奈近有無恥之徒假冒本庄三品酒標式以 魚目混珠情殊可恨嗣後 諸君購買本行白頭三品酒者請細認本號標牌之內有小紙包印 印字祈認明也公認始無誤若此字樣即屬假冒請為細認此佈

大英一千八百八十五年十二月十九號

明嗎也公司謹啟

售發櫥鐵名馳



嘗思養生之道所最要者則惟薄飲其次則惟睡然必須有以善藏始無意外此本行鐵櫥所以為 諸君之所共賞也蓋本行所賣之鐵櫥久已馳名於東方一帶而於叻坡則聲名尤著至本行沽賣此等鐵櫥已有三十年之久其製法為堅固保能避火且其匙鑰甚妙斷非盜賊等所能開計其櫥全身均用鐵製並無雜以木料且諸櫥自始至今均為一式堅固耐無有優劣之分至於各櫥大小不一而價亦由一百兩至五百兩凡用之者可保其不礙焚燒即火災亦無所損本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘 諸君有意購者祈即玉臨選購為幸

大英一千八百八十九年十一月廿八號

